



ИРГЭНИЙ НИСЭХИЙН
ЕРӨНХИЙ ГАЗРЫН ДАРГЫН
ТУШААЛ

2023 оны 12 сарын 07 өдөр

Дугаар А/382

Улаанбаатар хот

Зохион байгуулалтын бүтэц,
орон тоог шинэчлэн батлах тухай

Засгийн газрын агентлагийн эрх зүйн байдлын тухай хуулийн 8 дугаар зүйлийн 8.4 дэх хэсэг, Иргэний нисэхийн тухай хуулийн 8 дугаар зүйлийн 8.4.6, 11 дүгээр зүйлийн 11.1 дэх заалтыг тус тус үндэслэн ТУШААХ нь:

1.Иргэний нисэхийн үндэсний төвийн зохион байгуулалтын бүтцийг нэгдүгээр хавсралтаар, орон тоог хоёрдугаар хавсралтаар тус тус шинэчлэн баталсугай.

2.Зохион байгуулалтын бүтэц, орон тоог шинэчлэн баталсантай холбогдуулан хууль тогтоомжийн дагуу зохион байгуулалтын арга хэмжээ авч ажиллахыг Захиргаа удирдлага, хууль, эрх зүйн хэлтэс, Санхүү, хөрөнгө оруулалтын хэлтэс (Д.Хатанбаатар), Иргэний нисэхийн үндэсний төв (Э.Төрбаяр)-д тус тус даалгасугай.

3.Нислэгийн хөдөлгөөний үйлчилгээ, агаарын навигацийн техник үйлчилгээ, хэрэглэлийн нислэгийн журмын үйлчилгээ, нисэхийн мэдээллийн үйлчилгээ, аэродромын үйл ажиллагааг Иргэний нисэхийн үндэсний төв гүйцэтгэхтэй холбогдуулан Иргэний нисэхийн дүрмийн дагуу гэрчилгээ эзэмшихэд тавигдах шаардлагыг хангах арга хэмжээнүүдийг авч, 2024 оны 02 дугаар сарын 01-ний өдрийн дотор холбогдох дүрмийн дагуу гэрчилгээ эзэмших хүсэлт гаргахыг Иргэний нисэхийн үндэсний төв (Э.Төрбаяр)-д, шинээр гэрчилгээ олгох хүртэлх хугацаанд гэрчилгээ эзэмшигчийн эрх үүргийг бүрэн хэрэгжүүлж, үйлдвэрлэл, үйлчилгээний тасралтгүй ажиллагаа, бэлэн байдал болон нислэгийн аюулгүй байдлыг хангаж ажиллахыг дээрх үйл ажиллагааг эрхэлж байгаа Иргэний нисэхийн үндэсний төвийн харьяа гэрчилгээ эзэмшигч байгууллагуудад тус тус үүрэг болгосугай.

4.Энэхүү тушаал гарсантай холбогдуулан Иргэний нисэхийн ерөнхий газрын даргын 2022 оны 05 дугаар сарын 13-ны өдрийн “Зохион байгуулалтын бүтцэд өөрчлөлт оруулах тухай” А/131 дүгээр тушаалыг хүчингүй болсонд тооцсугай.


5.Тушаалын хэрэгжилтэд хяналт тавьж ажиллахыг Нисэхийн аюулгүй ажиллагааны хяналт, зохицуулалтын алба (П.Ганболд), Захиргаа удирдлага, хууль, эрх зүйн хэлтэст тус тус үүрэг болгосугай.

ДАРГА



Ч.МӨНХТУЯА

17120 1232



Иргэний нисэхийн ерөнхий газрын даргын
 2023 оны 18 дугаар сарын 07-ны өдрийн
 АХБ дугаар тушаалын нэгдүгээр хавсралт

